



文直行書

詩部卷之一

明宮保尚書壇石熊先生筆

男人霖伯甘編

樂府

南山歌

擬古詞

南山之石煑之不爛青牛之角扣之不斷人豈不
逢夜盡其旦知已者來生我羽翰

又

南山之石白粼粼南山之牛九十犉扣牛之角行

負薪士固有志寧長貧疇是明君疇良臣

汝為我楚舞

鴻鵠長成垂天羽橫絕四海疇能取彼何如者為
之輔謂兒恭敬我嫚侮咄嗟呂后真而主我為汝
楚歌汝為我楚舞

天馬歌

天馬來今渾紅沐巾雲軒兮汗振血過都歷塊紛
明滅四蹄如龍踐霜雪稟靈淵兮托皎月太乙之
神房駟列

漢鏡歌鼓吹曲辭

古樂府惟漢鏡歌十八曲最為難擬蓋短
簫軍樂譜詞既多古淡字句或有下闕在
可解不可解之間所以獻吉仲默只擬君
馬黃戰城南二三曲之稍解者他無擬焉
于鱗元美則全擬矣于鱗即而擬故多錄
原文元美離而擬未免脫其氣格余擬之
於離即之間釋不可解以歸于解而
復欲存其古法竊自嗤為學嘍也

聖人

聖人出萬物觀賢臣出庶績舉明哉良哉調風順
雨五老遊河六龍御宇星氣斯符筮龜斯祐下民
孰侮得其處所式歌且舞樂今于胥

上陵

上有脩陵下有曲津上陵美美下津媿媿問客從
何來客言亦不自東來亦不自西來亦不自南來
亦不自北來天潢為我船招搖為我櫂玉繩為我
竿帆掛喬雲檣格澤下津泥泥鰕鮪國豐隆為我
車飛廉為我策房駟為我馬鼓擊天桴旗太白上
陵美美狐兔宅滄海之外峙圓嶠蒼龍駕起頽霞
標銅池芝草甘露洒紫玉紅蕤共碧瑤仙人下來
祝聖朝

上邪

上邪世風斯下我欲與君相知交道在存大雅泰
山東傾黃河西瀉厨門肉象角生馬桃李冬華霜
隕夏乃敢與君舍

翁離

一曰擁離又曰雍離其原文曰擁離趾
中可築室何用葺之蕙用蘭擁離趾中
殊為難解于鱗僅易三四字猶未解也余
推國風黍離之意稍演繹之如太白作空
篋引諸曲亦不妨時出已意也

雍之離宮阿房萬重乃今蘭艾生趾中葺蘭編艾
築土室壯丁征戰餘老翁

石流

一曰石留原文有金蘭字面恐卽上邪之意其爲神仙石髓者非也

河水北流湯湯沙錫以微盪離故鄉石以重宛其
中央君子結交志金之堅懷蘭之香有如此石巨
若河梁

有所思

有所思不在大海南不在太行遠茹慮之阪東門
墜室邇人近那可相思不見遺君雙珠與玉填純
束之赤綠綈紹繚之珊瑚串誰併予美聞心中變
拉雜燒之無留戀同心結子連理枝盡付當風揚
其灰誓今以往勿復相夢勿復相思兄嫂唾笑鷄
鳴狗吠誰不知之始者不如今悵悵東方須臾高
誰不知之

思悲翁

思悲翁美人傷我心中誰思奪我美人使我首如
飛蓬有若猛狗逐兔齧驚雉子斑雌來雄不從又
若臯子五臯母六飛而食肉拉沓鴛鴦離其羣趨
踰暮安宿

遠如期

遠如期期萬歲萬歲豈為遠與天無極與日常轉
雅樂陳佳哉紛單于來歸月支臣太平玉燭天下
春累世未嘗聞增壽萬萬年誠哉地上仙

臨高臺

高臺迥迥軒障之朱闌下漸臺之水清且寒瑟瑟
悲風吹香蘭中有黃鵠飛且飜我主臨之心多歡
微臣一千歲我主壽萬年

朱鷺

朱鷺食河魚笳下蜚以趨獵其纓吐其餘黃雀有

羅澤亦有虞鷺乎魚乎疇樂乎將以問智者

君馬黃

君馬黃臣赭白二馬同時臣馬瘠君馬太僕供芻
藁經年不走長安陌臣馬屬北軍材官騎士鞭紛
紛一自甘泉烽火達渭橋南北如屯雲

戰城南

戰城南轉郭北男兒立志死邊野枯骨何葬裹馬
革裹馬之革飽烏食嗟烏之喙長三尺黃蒿淒淒
白水激激渴飲壯士血化碧不如驚馬騎輿廝徘徊

五正行書
樂府
迴生入漢家壁

芳樹

芳樹歲蕤下有蘭池上有連枝其葉參差嗟佳人
何用問遺繫雙珠聊寄所思咄哉婦人之風雨心
不可禁日不可貽望芳樹之黃鵠三而爲行如我
乎悲矣

將進酒

將進酒浮大白咄壯哉赭如赫仙人下來飲延壽
千萬永無射

上之回

上之回威異國出甘泉行極北寶鷄聲徵帝德封
中雲起萬歲呼無惑四夷賓服功通玄默安得白
日生羽翼

巫山高

巫山高高以長漢水深深湯湯思佳人兮不能忘
遠于望之泣下沾裳將予就之雲雨渺茫

艾如張

田車旣安如輕如軒艾蘭爲防置旃爲門駕言行

符遊于北園雉罹于羅有兔爰爰安得如黃鵠高
飛不入羅杯之丁丁兔柰何

雉子班

雉子班朱冠錦臆羽翾翾朝飲澤中暮未還可畏
艾如張耿介徒摧殘何不高飛遠舉鳴青山

鏡歌曲補

鈞竿黃雀玄雲務成四曲漢辭亾闕
矣今竊補之未敢為胡寬新豐也

務成

皇哉唐哉揖遜用寧哉帝以誠哉士以名哉許由
作備洗耳賣清負石沉淵效者務成禹家天下萬

世為經理本率分道貴近情

擬漢橫吹曲辭

橫吹曲十五篇惟出塞猶存古
辭其餘並亾此體蓋陳梁以後

擬漢者今亦擬之本陳梁人聲口
而猶冠之以漢所為擬擬者也

折楊柳

綠拂章臺下青垂五柞前陌頭羈走馬樓上吸粧
鈿香風隨意裊明月得人憐折將離別恨飛絮入

春煙

劉生

劉生不知何指蓋俠侶也
或云抱劍專征為符節官

諾金欄季布驚座重陳遵巨先與翁伯睚眦能殺

人劉生今擅譽意氣莫與倫鞠躬下屠豎引眼笑
 平津坐傾魏其客驛置鄭莊賔寸心指白日三尺
 起紅塵袖椎北救趙挾七西刺秦縱橫腐草靡千
 秋任俠身

以上綠雪樓擊草

樂府二

古體

三百篇以後古詩無定體以古人題者
 為體後人如作樂府古歌即當因其聲
 口想見其氣象發揮其精神如起古人復
 歌也乃為得之 明興以來詩家作樂府
 者惟李獻吉何仲默李于鱗王元美為盛
 然獻吉作法為我 是無 曰若無四海之羅

安用此殃君美人毒苦子則是後人為漢
 祖斷也將英雄且憤且憐之意都失模寫
 仲默改易水歌為易水行直述荆卿漸離
 等名曰秦王殿上開地圖矧陽色泪那敢
 呼將前後事一總說出其了易水悲歌節
 俠感慨然無味上鱗作南山歌曰車下
 短衣歌者誰國有叔牙當見知都是斷做
 却于豪傑發憤光景不像較之本歌不啻
 燕越兀美則鮮此弊如文王箕子拘幽採
 薇直體口吻縱非冀野之驢黃亦庶幾于
 叔敖之優孟矣而其作樂府變自謂杜陵
 遺訣以備一代採擇甚盛心哉然恨不數
 章如壽寧泣等題明矣至尚書樂非有人
 箋註孰知其刺趙文華之干相嵩也乃後
 之作樂府者濫觴將時事直敘其體則近
 日歌行而題曰古樂府可乎哉余甚宗尚
 四家而其一二未穩愜處恐開後世傑裂
 古體之端又何敢隨聲附會也姑表而出

之以俟
罪我者

白雲謠 西王母
歌也

白雲高飛弇山吾家日入萬里人生有涯祝延君

壽若木常華

又 天子觴而
答之也

瞻彼白雲瑤池之傍萬民和洽降福孔將三年為

期獻觴是常

漁父歌 擬渡伍
員歌也

率彼野者虎耶曩然來者楚耶邛有舟兮處即

又

蘆中王孫邛哀而進娘母畏邛奔蘆中王孫

又

歌滄浪兮春秋邛詘名而直釣于寶劍焉求日照
當心沉舟赴流蒼天乎悠悠

公無渡河 擬笙
篴引

公無渡河河伯不仁吹怒波巫嫗三老為娶婦年
年尚見蕩田禾况有張牙之暴鱷九百天吳十丈
鬪枯樹黑鴉饑欲食烏烏啞啞待人過公無渡河

公渡河渡河竟死柰公何

落葉哀蟬曲

擬李夫人歌也英雄悲惋漢武之賦秋風忠直牢騷屈平之陳

問天

秋風兮淒淒秋草兮具腓黃葉兮飛飛蟬聲兮傷
悲開敞兮玉墀虛玄兮翠帷懷蘭英兮葳蕤驚鴛
鴦兮背樓望彼美兮懷疑翩何姍姍其來遲

城上烏

城上烏生八九子舖飼不避蛇與蝎清衣少年挾
小鷄一縱黃口連毛噎何不學鳳凰棲梧桐朝飲

丹霞暮餐綠雪

車遥遥

車遥遥兮馬駢駢自君之出不可追君之出兮咸
陽西人生安得常相隨妾願化作山頭木憑人採
斫作車幅三十安排共一轂妾願化作陌頭塵朝
朝暮暮着車輪隨風吹起上君身

煌煌京洛行

擬魏文帝

煌煌京洛壯哉城郭下里鳴鐘上邽擊柝東市放
燈西郊張幕名利津梁千唱萬諾一解紫閣沉沉

黃門赫赫豪聚五都衢通九陌金張開第許史列
宅鞍馬馭馭名聲藉藉富貴之場駢填履舄 二解

功成身退卓哉子房淮陰不止鳥盡弓藏矧無功
德啞啞怡堂若日胡傷多足不僵其二其二繫于

苞桑 三解 蘇秦傾側車裂宜加陳軫忠謀不用何

嗟吳起好殺伏尸禍者智矣郭生馬骨自誇魯連

郗金志干青霞 四解

吳江歌 擬張翰

吳江冷兮楓樹丹鱸魚肥兮秋風寒歸兮歸兮附

所安菰米葍羹竹釣竿

小麥謠

小麥去年無人收大麥今年無耕牛騾驢括盡牛
服輶買牛之價賣兒售丈夫征戰婦姑愁野田黃
雀聲啁噍

兵車謠

車如鷄栖馬如狗盾如榆葉劍如韭十萬騎兵如
戲偶將軍金印大如斗

以上綠雪樓鶴草

擬漢郊祀歌十九首

漢武帝定郊祀之禮祠太乙於甘泉祭后土于汾陰乃立樂府采詩以李延年為協律都尉舉司馬相如等數十人造為詩賦略論律呂以合八音之調作十九章之歌用事甘泉圓丘使童男女七十人歌之其中天馬寶鼎赤鴈諸什雖近季世侈談祥瑞不合王者格天之奏然略義徵詞其氣古樸澗莽未甚遠于二百之篇而六朝以後作郊祀歌者靡然文弱矣聞樂知德漢音已不可作而况太音乎幸際熙盛方當媿韶進濩投頌合雅區區猶刻畫西京者毋亦以三百篇為素王手裁不宜為無鹽唐突彷彿古人通鑑不續春秋之意而特存漢音以別于梁陳以降之靡靡亦庶幾乎治世之聲也

練時日

練時日候有常郊南至日辰良取蕭氐靈皇皇沛
 罔象神哉昌餐六氣漱正陽靈之於建雄虬靈之
 鼓左雨師右雷公靈之馭飛朱鳥駕蒼龍靈之主
 澤薄土茂庶物靡今古靈安留燔養牛穆將愉斑
 其紛噐陶匏盛質文麤穢除精氣存獻瑤漿肅粃
 梁明燿燎和宮商瞰將出降以康報介福壽無疆

帝臨

帝臨圓丘四方從矩薄薄地靈降甘露雨均調六

合氣行以五介我稷黍下民歌舞皇哉蒼蒼式序
三光穆穆天子恭已垂裳

青陽

青陽司辰靈氣流爛列草敷疏土脉膏潤仰觀日
暹傾聽雷奮天喬跂蠕罔不若順惟春與王合震
之巽

朱明

朱明之靈剡剡其揚景風和扇萬彙阜昌祈年長
養祝融迪嘗芬芳鬱渥我享我將

西顛

西顛沆碭雲物高朗白露紛塗草木蒼莽百谷實
穎築圃登場令司肅殺穀弧射狼越貉賓服妖孽
伏藏維神之功蓐收西皇敬援北斗酌此蘭漿

玄冥

玄冥司冬霜雪蒙蒙林榛脫落塞向辟風田禽利
執易亂除克用建烈業以順唐功神光頰頰按鼓
噉鐘

惟泰元

惟泰元尊筦攝天根萬物之母是爲媪神經理陰
陽雷露風雲靈化豐豐百姓咸循德施則祀敢以
具文挫糟飲酎揆瑟吹竽浮清沛濁凌冥升虛雄
雄赫赫烈騰五都

天地

天高地厚並貺治安爰建圻壇黼黻風陳仰陟陞
皇延望雲霓八佾容與羅列旖旎斐然殊鳴靈其
有喜顛相肅肅多士濟濟各秉厥事奉邊進俎惟
予一人式恭敬止練時與日厚終虔始稻粢穡麥
盛張供翡帟翠幃飭齋宮刻羽流徵伐號鐘鳳儀
獸舞合八風稽首玄穹祝歲豐

日出入

日出入遠無期故東有扶桑西有流沙南有炎州
北有寒山廓如四海之池徧觀日出入其中六龍
婉婉凌天地以徑度駛若飛黃其何不遲遲徠下

天馬

天馬驅渥洼下骨權竒汗流赭橫飛谷連絕垠遊
驚霧剪行雲太乙况龍爲神

天門

天閣開關耀靈羣羣孽彗星以爲於掃六幕之瞻
 瞻矐莽俾玉燭調光初年之宮長生之堂紅壁沙
 版玄玉爲梁桶畫龍蛇紫幄明璫鎮疏夜啓招搖
 永望萬歲之觴時與雙曜常羊上天降監祉福無
 疆豐豐搏搏叩精幽殷勤禱祀臚所求迎來嘉吉
 弘昌休德譽配天式九州

景星

景星顯元鼎見天道徵祥地寶與善爰祀汾陰志

儀精腆叩鐘調磬八風生蘭膏炬燭華容明吳醴
 楚瀝柘漿傾鶴騰鳧奠供犧牲夏屋沙棠覺其楹
 微心感通康且寧作樂象成寫和平上穹下土降
 豐登

齊房

一曰芝房歌元封二年甘泉宮中產芝九莖連葉故作歌

齊房竒草靈氣布葉九莖亭勻三秀連疊精玄所
 蒸用表烈業蔓蔓敷疏瑞藹此都莫莢屈軼畱爛

牒圖

后皇

后皇嘉嚮海內承福玄黃奠安兆民攸服玉猷允
塞華狄分處經略正封中天啓宇

華羣羣

華羣羣芝扶疏高堂開株穢除神之遊造旬始觀
清都神之出覽荒忽龍躍躍雀菱菱神之行日晶
晶電習已扈容容神之愉靈湛湛豆登升醴齊泛神
安坐何以豫望洋洋合所慮神嘉虞進瑤漿睨三
階福四方汾之河橫素波殷鐘石奏陽阿北面絃
比天歌

象載瑜

一日赤鴈歌大知三年幸東海獲赤雁作

象載瑜白時西幸東海赤鴈蜚五采文紛陸離超
虞羅泛太澤啄丹砂飲太液禔景福歡無極

赤蛟

赤蛟騰青雲蓋雨漠濛龍爲對晝暎暖靈已醉沛
施祐酌言醜禮樂成伏符流靈殷殷集百神扶宇
宙齊羣真靈將歸閭闔開象輿轆駕天街遠如期
萬福來

五神

維五神相天皇包四維立中央神來思風雲揚壇
壘肅椒苾香圭璧精揚金光貫瀕濛聽恂悅豈不
承申三觴嘏大漢年歲穰神表回福滂洋

朝隴首 一日白麟歌元狩元
羊幸雍獲白麟作

朝隴首覽金方蹕雍時獲嘉祥雷電祭白麟走鵝
吉時蔚羅吼披往圖實祥符殛凶虐追黃虞媿白
魚匹赤烏祭以告儀不忒耀玉石潔紉帛圖爾形
填家國

擬河清鳳至壘出詩

天啓中陝西黃河清河清風儀玉壘出皆
今上應運之禎符也敬作三篇爰比華祝

河清 先噴白浪花數日
後澄清百餘里

於皇時明榮光塞河滔滔西紀沈沈東波后皇貢
禎川瀆合和仰同天漢萬象旁羅

鳳至 大鳥高丈許見於禹州
羣禽萬餘朝衛者數日

猗歟軒皇鳳巢阿閣岐山鳴文衆鳥鶴鶴相彼羽
儀物覩聖作崇斯禎祥陋彼神爵

壘出 四角完好則非秦壘缺於漢后者瀆
河君民夜見浮光燭天乃掘岸獲之

陟嶽獲簡瞻洛浮書畫存史籀跡紹河圖光景上

燭絜世寶符昌命永壽明明聖模

附

雜體鳥言

子規嗥

春去也月光暉桑葉離披桑子肥蠶三眠莫教饑
田家春黃藜蟹螺者宜高汗邪者宜低日中不彗
爲失時貴其所以貴者貴

倉庚鳴

葛連蔓菜台台嬾婦驚思婦哀新婦媿哉于歸于

歸

以上青玉堂采薇草

樂府三

聖德篇

聖人出邁明良黃河澄清彩鳳來翔爰攬天紀殛
彼憖璫四門穆穆八風洋洋阿杓獨運綱目具張
殷憂默啓式遏寇攘蚤朝晏罷我武維揚遙望北
斗酌彼帝漿拜祝稽首萬壽無疆

東門行

步出城東門曷不掛冠歸試看漢家故事後有將
 軍霍子孟前有丞相劉屈氂免身亢宗者其誰公
 孫弘曲學阿世萬石君踽踽自持千秋後世猶謫
 之黃金如山將何為人生百歲但隨時君不見東
 門一路垂楊枝日暮黃昏烏雀悲

以上英石館調風草

橫吹曲補

漢橫吹十八曲久已擬作惟黃鵠黃覃子
 赤之揚望行人四曲見于樂府原卽十八

曲中而互異其名者何妨重筆六朝人所
 作多麗靡非漢人馬上本色也

黃鵠

始元元年黃鵠下太液池昭帝自爲歌以表其瑞若臨高臺武帝栢梁事也

青天一何高黃鵠背負之東海一何深朝夕鳴雄
 雌天闕徑萬里下我太液池鵠不浴而白黃者殊
 所希千歲換羽毛以待仙人騎騎者王子喬歸者
 丁令威太宗改土德亦以黃龍爲高飛離哉翻歌
 擬栢梁詩

黃覃子

李延年舊曲不傳惟梁曲有黃淡思蓋擬而失之情者曲中以黃淡思爲

人名鄰于江外婦人淫冶之詞非漢人橫吹本意聊以意施爲之借徑于擢歌也

前歌折楊柳後唱擢歌行中有黃覃子莫是黃頭
郎朝演魚龍戲暮鬪角觝場羽革燼白日紛旗燿
太嘗誰家婉變兒顧盼生芬芳出入慎洗沐行步
中宮商但炫長安道不昵狹邪媚召來丞相府控
地舉頭搶相書終餓死銅山空自黃

赤之揚

漢以赤符興至武帝揚威四遠兵戎著績立名以是大將軍出塞馬上橫

吹所奏此其大者

四坐具罷聲聽我赤之揚我祖赤帝子劍斬白蛇

殤神母來告符朱旗氣色揚
嬴秦尚水德厭勝以南方傳世至元鼎
威武震邊疆寇軍穿鹿塞飛將戰龍荒
驅度陰山馬馬首風茫茫徒使幽閨婦紅
啼玉筋粧

望行人

此思婦望征夫之曲也序在關山月洛陽道之前

朔風邊塞起秋鴈向南飛
括括黃河水東流大海歸家家望邊
信歲歲寄寒未塞雪春仍厚塞草春
尚腓居人尚內徙行子今何之
日夜見去人寥寥還者稀
思婦高樓上當窗嘆息微

文直行書
樂府
村林郎

古辭解云漢世事道之君
子不肯事二姓之况也

天上羽林郎壘壁營室次叢叢依烏光北落天元
帥漢家孤兒兵驄馬黃金轡調笑酒家胡依倚親
軍勢胡姬楊柳春窈窕施丹翠踟足唱楊花不覺
心情摯醉解合歡襦流連紅燭媚不意金吾子珠
彈秋鷹臂就我提玉壺酒引流霞觴物喜酬新知
人悲戀故義雖云微賤軀事人慚兩意多謝金吾
子私愛焉能遂

以上述喜堂擊壤草

文直行書

詩部卷之二

明宮保尚書壇石熊先生筆

男人霖伯自編

三言古

卮言

大哉乾玄而穹至哉坤黃在中孰主張圓九重畫
州域通雷風蒸民立類保蟲分賢聖樹君公太樸
散技巧通治趨亂始歸終四侯異六宗同王霸降
交質從欲逐逐志憧憧神曲叟北山公惜何爲佻

天工

其二

時旣耦三字除道未覲萬言書餓方朔飽朱儒枯
棹智抱甕愚專之踰舍之苴逐穰侯相范睢邇無
極走子胥廝養卒刁間奴長卿節馮謹輿牽黃犬
賦白駒壽彭祖殤童烏有力者運而趨齊物論惡
拘拘

以上華日樓擊壤草

四言古

祖德詩

於戲我祖肇于鬻熊厥胤有繹勲績惟崇師文翼
成世載其功分茅得楚萆路是從亦越成莊歷葉
會同是輔是傅公族攸宗昭屈景鬪垂烈流鴻拓
地稱霸南土啓封式微秦漢散處江湖迄唐逮宋
以農以書北山卜址爰宅爰居我徒我環是列是
除代有達人壽考位殊遠遡高曾質朴罔譎迨我
先考善類楷摹致我小子一經出仕或媿或登矚
其焉澤於昔先人善道受祉顧瞻予躬惟持惟軌

天子我恤矜我髮齒懸車之義敢隊嫚靡教誨我
嗣式穀爾似皇天無親惟善是恃誰謂華高齊而
其企誰謂德難庶而其厲敬之敬之聞義無寐重
黎之後明天德地

以上英石館調風草

秋槎吟

平江之後余得溫旨解綬歸自留都風帆穩掛僅十日而抵章門時癸未之八月也浮槎天漢庶幾似之

惟天有漢倬彼雲章如漢東瀉地有長江時當秋
令金風扇揚掛席西泚淵客歌商天與地杳宛在

中央

出鼠

我行其野生之鼠乎恤乎湫乎避水乘高食我黍
乎我黍既罄爰食我圃聚而乳乎謂我迎貓貓乃

離乎

路虎

我行其阪生之虎乎嚙乎哮乎避晝入山食我麀
乎我麀既罄爰食我殺聚而怒乎謂曠我弩弩乃
腐乎

澤鴻

相彼鴻鴈集于中澤旭旦和鳴月宵斂翮彭蠡既
瀦雲夢不隔關塞攸通春臣秋客蘆中伶簫天邊
頡畫高飛冥冥弋人胡獲

以上華日樓擊壤草

文直行書

詩部卷之三

明宮保尚書壇石熊先生筆

男人霖伯甘編

五言古選體

飲縣侯此樂園

王孫河間侶城衢開華堂竹檻隔繁圃松亭砌石
梁主人事深簡假客任供張邊豆既有踐殺核克
圓方縣侯練青組弭節稅中唐彈絲紛下走吹竹
由東房列筵靈景歇金釭集朱光賓嚴不廢禮任

五言古
達亦尚羊歡情殊未闌歌鍾擊明霜

喜丁仲章見訪

東風越江船孤帆冒霜雪弭棹薄章水睠此寒潭
潔文章千古心十載寧涼熱村酒蘭卮浮野籜草
堂設期君上公車甘我遠朝列殊亭南浦雲喟然
傷吹呖

以上綠雪樓敲草

梁甫吟

擬諸葛亮

壯士矜意氣義重身可許至於事君王要貴以規

矩嗟彼公孫捷田疆古冶氏豈不拳勇人國相惡
無禮微言賜二桃一時爭趣死功不論馮河功不
論拜虎功不論御軍得罪智囊無處所君不見梁
甫山邊蕩陰里三墳纍纍嗥狐鼠

野田黃雀行

擬曹植

悲風吹野田黃雀啄荒粟啗啣雄呼雌蒼鷹側雙
目雀見鷹投人人喜籠雀鬻傍有俠少年捐金將
雀贖放雀摩青燵感恩還彳亍意氣在羽毛啣環
相報速可以結交行轉眼成反覆利劍斬負心一

以激流俗

三傑詠

留侯

伊人始奮椎祖龍魄蚤失取履吧上奇獻璧鴻門
屈扶漢策羣舉報韓心已畢銷印本良圖躡足近
譎術商山羽翼成辟穀辭縹紱玩弄英雄前飄然
托鴻乙

淮陰侯

灼灼淮陰侯靈武本冠世寄食窘少年執戟阨下

位朱光聚晝雲英雄擇主事威亮逾火烈功成秉
貞志謝絕蒯生言忘身中讒忌呂氏蘊邪謀鐘室
血光泚

鄼侯

蕭公何堂堂奮跡繇主吏內撫三秦和外濟六軍
匱拔奇感代工自污費多智封鄼居蹤指請苑殊
不次折律垂規模經制允稱備誅信倘無謀宗臣
良不媿

留侯躡沛公足鄼侯
給信人賀貞淮陰矣

郭外尋秋

涼風流大火素節司薈收梧葉辭故柯蘆花媚長
洲游宦窮海濬狗祿殊可羞微才宜遠擯况復古
東甌道汚見君子勉旃茂遠猷

寄友

鬱鬱園中柳青青嶺上松柔條與勁幹托根將無
同春華皆碧滋所識在秋風願君崇明德休嘆仕
難工

其二

落落澗邊石英英山中玉玉石世無分和氏應刑
足至人貴藏輝豈可抱璞鬻所依在中庸寧為儉
年穀

東郊

首夏飛陽雲清和快餘步糜祿羈岐海島嶼對朝
暮溟漲邈遠碧岫煙引輕素女蘿蔓朱華灼灼採
樵路

秋日詠懷

不薄淮陽卧寧知炎徼荒諍詞希抱牘書笏疎報

章山嵐出莽莽海樹鬱蒼蒼龍目綴玄珠荔枝結
 丹房夏雲起突兀秋飈送悲涼撫化隨時運何用
 徒慨慷

以上綠雪樓鶴草

選體二

詩之有體如人之有是四體自面目手足
 達于毛拇無不出于一模而神為帥氣為
 充方成人體詩言志歌永言聲依詠而和
 之于樂者也無論異方之樂不同于中華
 即異方中有東西南北便各有禁休兪離
 四樂之殊而中華之英韶濩武亦自有揖
 遜征誅之異不能比而同之其神氣使之
 然也五言古詩之體獨以選名蓋出于昭

明太子之選詩如建安黃初之曹氏父子
 及鄴中七子正始之嵇阮太康之左思潘
 岳二張二陸元嘉之顏鮑三謝諸公凡出
 于昭明手定者高者蒼莽次者冲雅次者
 沉雄熟讀之其神不無等級其氣則一出
 于古陳隋而後靡麗矣唐自為唐矣歷下
 李氏曰唐無五言古詩陳子昂以其古詩
 為古詩非古詩也有旨哉習矣不察諸詩
 家槩以唐古名選體即瑯琊王氏庖言有
 自建安及李杜之句又何責于隨聲觀場
 者耶如唐詩有初盛中晚異矣其氣則一
 出于唐音使與昭明選詩並觀聽何必師
 曠明何必離朱始知其渙然不相入也故
 唐五言古詩決當冠以唐字其佳處正不
 必冒體于選矣若云古詩皆當名選體則
 七言古亦可冒否余有概于中久之而察
 觀王李之言不得不僭為拈出
 擬詩若干非云遂可為選也

行行重行行

行行重行行都亭早驅車路旁折楊柳對酒歌驪
駒紅塵薄青天飄風吹長衢相去隔鄉縣忽如秋
時燕物以異地珍人以離根賤生時已懸弧懷土
非英彥國風戒伎求毛羽惡矜炫送子河之干且
復斯須戀

青青陵上栢

青青陵上栢冬夏閱風霜衆卉列丹榮經秋紛萎
黃四時轉氣候人生亦何常披裘帶索者所際殊
悲涼俯仰能不忤亦有孔顏樂富盛要路津何如
宛與洛梁竇辟名園馬鄧延世爵高門旦旦開千
唱而萬諾

冉冉孤生竹

冉冉孤生竹朝露湛高枝結實在高岡期爲鳴鳳
棲與君諧百年微軀有所依忽如弦與箏會少復
多離明月燭我牀微風吹我衣下堂時騁望東西
安所之蓀蕙發春榮芳馨應待時君能秉亮節賤
妾豈無持

庭中有奇樹

庭中有奇樹秋實並春華素馨紛入室朱果爛盈
車將欲寄遺君其如道路賒此物雖微薄生長在
君家男兒志四方遠行亦復佳迢迢河漢上自古
有浮槎所嗟弄杼婦盈盈天一涯願言擇交與簡
金還披沙

君子有所思

君子防未然所思在守經日月不頓轡人生如遠
行端言所思理患不爲孔曾雄雉誨用臧宛鳩規
忝生持損宜深憬從善貴如登良士固瞿瞿小人
亦磴磴延佇望京洛車馬何崢嶸長衢途九達高
閣階三層美哉高粱士輿轉工自營願以草木心
作爲葵藿傾

長安有狹邪

長安有人道隴首界袞斜漢興協東井澧灞舍帝
車三條貴戚里九市徹侯家街衢迴洞達門巷紛
狹邪遊童承華景妖女躡飛花鮮麗照春月芳豔
媿朝霞余本窮棲士所植在蓬麻偶以舊英游相

攜疑泛槎夷庚尚杳步岐路尤當嗟濯足咸池波
誰矜白玉瑕

客路秋

蓐收秉西京金吹起洪河歸鴈噉寒音玄蟬噪樹
柯客子嘆行路投策依松蘿巖扉招遠颺川觀遡
圓波四運皆可喜秋氣更足多丹楓遍林樾紅籟
積丘阿潦水去澄渚寒潭濺黃沱午向村農炊夜
就碩人適天地一逆旅寐寤任嘯歌

浮湘

至人洽川觀逸士期無悶水宿愧羣鷗聊以酬素
願况乃衡山濱嶽瀆朱方冠揚帆泛修廣洗耳聽
流漫度灘旣厲急眺岫復清遠雨竟日開霽雲薄
波澄濺企石泊連巖掛席曳飛練賈傅發藻思遷
史番高盼以彼古人風遡迴有餘羨陟高臨其深
情實理誰辨

以上青玉堂采薇草

秦淮燈舫

郊圃臨惠風長河擢遊舫絳臂紛清揚錦纜維深

廣簾隱越羅香窗蔽秦箏響月共徙珠輝星與游
 螢朗迴楂倚桂楫去艇盪蘭槳古人貴同樂因之
 洽欣賞

燕磯江寺

江光瀨天雲喬石藂峯踞虛檐如飛翬累榭疑立
 戟朝暎汨山紅午風漾水碧嫋嫋梵宮烟歷歷商
 船席遐睠棠邑城一葦渡廣液擬作凌虛遊安得
 生羽翮

以上菱棠草

選體 三

五言古選必自昭明文選中出如陳子昂
 以後則唐古矣六朝人詩未入選者氣平
 韻歇亦有微分已入選如漢之與魏曹氏
 父子之與顏鮑謝陸諸公雖不可一律然
 均之為選體矣胷中綿繡不牽
 輒隨時擬之非膠柱之鼓也

擬迢迢牽牛星

長漢夜昭回大圓秋氣廓牽牛北宮星南方紛錯
 落貴女勤弄杼賤女競緯絡下有農丈人天田苦
 耕作不織安得衣不耕胡取穫世上虛相傳飛橋
 渡烏鵲

擬蘭若生朝陽

瓊枝紛葳蕤芳氣薰重閣冉冉青雲開朝暎映華
 薄輕飈引孤嘯山中詎寂寞陽翹向暑傾陰葩經
 寒落竒草何若茲冬榮并春萼四時執信貞韻與
 幽人託幽人如穎許雲霄比清倬感物戀所懷東
 日正高灼

詠古

道德功名富貴隱逸神仙宇宙以來盡
 人慕說經營古之名跡不勝書聊舉一二

三殊令人
 憬悟也

玄經五千字柱史望猶龍逍遙漆園吏訓註河上

公含德乃無累處實本知雄宇宙固曠哉尉羅安
 所蹤

其二

人心抑何極天道如張弓衛霍豈有世空留出塞
 功鬼盡烹走狗韓彭徒鬼雄誰不嗜殺人門大獨
 于公

其三

偉矣陶靖節種菊紛東籬清氣秒秋靚南山澹若
 滋懷忠守前楛沉醉有深思休光不可擬載賡葭

露詩

其四

范蠡乘舸去張良辟穀歸本爲英雄姿而借神仙
機何因終南山隱士披朝衣信古老彭鏗於今安
見之

接胡方伯夢說書

昨夏枉軒駕慰此隱淪人四運不停軌野秀綠深
春廬園當東臯疆外信希聞如君敦夙好裁書託
白雲前行勗加餐末行細論文竟紙無小言襟袖
有餘芬趙璧人爭寶魏瓠我自珍耿介由束髮和
光愧同塵著述恐虛日衡茅可養真好爵非吾事
慷慨懷逸民

接潘中丞昭度書

節牙填上路肅舲邁行川揚粵開新道朱權麗南
天疆場隨清謚毗謠被管絃論學摹前楷課治儀
來賢文章一何綺辭旨馥簡編河潤寧九里明月
燭萬間而我固窮士尺書矜往還肝膽明於雪信
義定如山嗟君懷壯圖心爲四海關君執歲寒意

五言古
我敢上援拔古道久已邈開緘爲解顏濡墨數行
答真率不重刪

以上華日樓言意草

選體四

左思招隱

上哉堯舜世至治稱魏蕩所以巢由輩因之遂恟
罔涓水流白雲箕山鬱蒼莽洗耳兼掛瓢悠然滌
煩想詩歌浚谷姝書夢傳巖像山處雖殊途各自
得玄賞笑彼綺園儔何不竟長往餌芝可千秋乃

就建成訪羽翼寧安劉徒爲呂氏黨赤松罵晉侯
神仙亦骯髒富貴苟難圖從吾樂俯仰古今荒途
橫相招策鳩杖

王康琚反招隱

黃帝古初肇風后著竒經神醫本岐伯修煉見容
成大隱隱朝市金馬藏歲星老聃柱下史尹喜抱
關人何必絕世俗迺虛揭獨醒周才濟物重偏智
師心輕所以魯仲連高蹈在東溟舌拄秦庭使一
矢射聊城功高不受賞長揖去躬耕太公老屠釣

晚出濯聲靈

阮籍詠懷

天地若函蓋日月如跳丸嗟世法度密容吾禮數
寬不掛聖人網埋燹神自安虬龍漫天飛鯢鮪且
泥蟠昔有蓬池客邀我上雲端醍醐釀甘露挹注
長生丹天酒寧沉醉應疑生羽翰引眼視塵壒楚
漢戰鋒殘駕言行獨邁前路任漫漫

謝眺省直

鍾阜資嶽靈逶迤基黃屋禁禦象紫宮虬漏銜東

旭別館名飛廉文波映屬玉虹梁抗應龍曲閣森
天祿九闢既重重四門允穆穆垂衣化日舒興言
開著錄卽事旣多美奚必請休沐尺五邇雲霄寸
心于此足

以上延喜堂擊壤草

附緯騷

三百篇以後騷其漢魏六朝唐人之詩之祖也泝龍舟於落葉遵鳳輅以推輪

詩道固無二本然未有句字純騷者偶一爲之題曰緯騷

祝萬壽

卷阿二三四章皆五言召公之愛其君也今師其意而取材於騷固有不必同者昭明謂五言始於蘇李其然豈其然乎

上帝降純命嘉惠承庶康二儀與同壽百姓無震
惶沆瀣餐六氣朝霞含正陽神明既清澄精醇復
粹莊周道履無錯殷宗比其長羽人仍丹丘玉色
和晚芳朝朝發太儀赫戲陟陛皇彭鏗斟雉羹民
牧坐中央八龍駕婉婉青鳥飛軒翔聖人抱一德
日月以齊光

以上華日樓言意草

文直行書

詩部卷之四

明宮保尚書壇石熊先生筆

男人霖伯甘編

五言古唐體

詠史

吾竒范少伯楚客入甬東卑身藩越王治兵師太
公君子六千人卒以沼吳宮苦樂君臣異智哉卜
所終身退四時序乃不憂樊籠五湖易金鑄扁舟
泛短篷計然有七策用之殊無窮咄彼種大夫罪

竟非英雄

其二

吾希張子房矯矯抱奇畫
椎禡祖龍魄博浪匿其
跡終始爲報韓假手漢羣策
韓亾寧已乎摧項脩
韓隙三寸棹鴻門借箸籌前席
功成耻分珪封留
謝寵赫東有滄海君北有穀城石
赤松翩然遊英
名擅今昔

其三

吾慕李長源忠誠貫白日
得君如魚水論心比膠漆
同車傍紫衣終不拜崇秩
諷諫備苦心宮庭消積嫉
悟主惟樸忠抽簪豈傲逸
士貴愛其鼎潛見要無失
高盼薄青冥虛心羨鴻乙
遺烈激簡編千秋誰與匹

詠李廣出塞

漢家飛將軍猿臂善弧矢
汗馬鴈門西揮劍青海
涖虎賁飲飛兒魚麗良家子
敢戰喜深入孤軍包
虎壘大黃射禪將箭落旄頭
徙志吞老上庭氣吮
余吾髓柰何刀筆吏猶持文
墨誓屬鏤不待賜沙

五言古
場血已灑千年化爲碧雄名還未死咄彼衛長平
功名只如此

詠藺相如引璧睨柱

和氏非連城善人國之寶疆秦虎狼庭藺生挺孤
抱璧歸城不酬兩國佯修好澠池會何危瑟鼓缶
亦拷稜威萬乘前避左將軍導廉公固賢者負荆
愧不早所急在公家交驩將相道乃知智勇人弛
張不草草

詠史

浩穰長安里冠蓋何寵赫許史侈名園金張開甲
宅獨也公車間諫者殊嘆惜楊雄守清貧美新終
變易谷永似昌言依王晦心跡直哉槐里雲千秋
貞介石

懷古

古有素心人論交無冷熱青松凌碧霄朱絃調白
雪市上鼓刀屠公子蒙折節軼深井里士甘將眼
背挾所以義俠名千秋不泯滅嗟彼邯鄲婦隨花
百鳥舌已學杜鵑啼春深淚紅血更效百勞鳴秋

來聲切切嬌容不敝席轉眼繁華歇貴賤各分張
隴頭水聲咽

嶰茶

雒城之嶰茶名于吳中而洞山之品余為令時始有種者今別十年許聞已鋪

綠矣余每歲必購之

為吏洞山間碧桃灼林影春風官事疎開園督種
茗陽崖謝紅塵雀舌着青梗筠籠和露收焙須活
火猛煮之惠山泉未若梅雨冷玉磁浮乳花幽韻
芝蘭靜松蘿素封侯武夷胭粉靚圭撮珍虎丘重
濁夷龍井本是烟霞姿不逐濃華境香色有無由
所以獨雋永年年杜鵑鳴緘書明月頂為欲解沉
痼寧云資獨醒盧蔡成古賢茶竈今吾領

以上綠雪樓敲草

江望

秋風吹江樹江船自來去蕭條露欲寒澄鮮潦已
素回首明月樓若箇笙歌處

其二

城郭臨平川極浦齊吳榜相唱采菱詞共盪木蘭
槳秋色深於江景在蜚鴻上

其三

西山一片雲時與飛帆亂欲訊往來人江風吹未斷惟有釣魚船歷歷蘆花岸

看竹

清氣積雲壑兼有高竹林粉香資煙月寒綠熨清襟無事七賢侶惟與此君深

其二

倉庚啼南園繁聲穿修竹沼水清於淇漣漪映深綠持此曠士懷一以浣塵俗

田家雜興

青草深春色白露飛水田種稻家家力老農惟望天山花開落處黃犢傍雲眠

其二

蒲葉秀芊芊桑條啼布穀養苗端欲疏耘者歌相屬幽人時往還提壺膳茶粥

偶讀孟浩然詩因憶襄陽

襄陽天下郊乃有幽人寓龐公棲鹿門采藥尋雲去詩伯孟浩然千秋驚秀句嘗渡漢江濱明月開

煙樹

其二

杜預鎮邊疆，決定吞吳氣。
文揆左氏弢，武奮羊公志。
漢水咽東流，聲如戈甲沸。
但看峴山碑，猶在襄陽未。

其三

桐圭分御節，驅馬過樊城。
山川包漢鄧，王氣接春陵。
必爭今古地，草色戰場青。
惟餘大堤曲，流風似采菱。

其四

我涉漢水曲，雲白楚人鄉。
南過宋玉里，遺文堪斷腸。
荆門巫峽近，誰是舊襄王。
迷津不可問，隨鴈向衡陽。

暑中

驅暑汲寒井，夜浸青門瓜。
披衣振晨露，洗手摘園花。
罨取玉磁潤，浮香試嘯茶。
松間古苔色，相望如朝霞。

雨中

南方多陰雨况是古黔中林昏亭午日雲起亂峯
叢連山似波浪積氣干長空來此冬復春恒見青
濛濛風穴扇飛廉天鼓椎豐隆仰首問蒼昊何當
現彩虹

東莊

東莊尋春意偃僂入茅檐中有小場圃遙望山嶽
巖治張梨樹陰素馨飛纖纖蠻丁賣蕨芽稚子供
楸尖磁盤羞野花微着水晶鹽深杯發陳釀心醉
復何饜

其二

貴賤皆有營客心安所寄達生在和光入羣要不
異以彼村莊中乃足林水意况當寒食時芳菲可
茂對山毛作供饌園禽為鼓吹暫放雲外神賓王
共沽醉

清明前一日

遊孟園看梨花秀林高竹間種
有茶本手摘一掬以試澗泉隨

作是
歌

看花依大谷復就竹林甲杜鵑高樹鳴新茗芽舊
叢纖纖雀舌尖手掬當筠籠澗水洗玉磁焙以爐

五言古
火紅賞識希陸羽癖好學盧仝神遊明月峽春生
兩腋風

其二

楚塞臨蠻境謾羨江南春種茶雖草草品水亦潏
潏况復園池好曲岸夾修筠坐石不嫌冷尋花自
取新吳興賦紫筍東望隔天雲松火飜素濤滿室
芝蘭芬

秋望

南江肅秋氣山色清於水輕靄吹文波流雲勢漉
漉樵吟敵漁唱虎嘯疑龍起湛湛江上楓石帆飛
旖旎

其二

秋水似秋山澄潭一以靜迴溪曲涓涓委宛同松
逕灘頭噴浪花白石爛危磴遠望不可極悠然托
高興

歸途至武陵晤楊修齡恭諗 新天子明聖

敬賦

去年征路西陰雲寒白日馬聲悲蕭蕭仰羨棲禽

逸負羈古黔中胡轉予于恤瘴煙遮大旗苦月離
休畢觀時默撫膺讀易占藏密人情安足懼天道
竟可必皇路肇清夷騰詔紆愁鬱英誼秉秦符表
世雄聖德陽春迴斗杓惠風遠披拂拔我百蠻鄉
塗汗蒙湔祓遙遙逢故人爲陳新政術朝綱振儀
軌王猷爛黼黻岳牧勵臣鄰勲華美師帥玄詰迺
登三貞模準得一燮犀怪物藏見睨蒙氣息衣冠
振亨衢田更頌明錫川嶽貢禎祥海甸通恬謐伊
余非瓌材遭逢完朽質報恩無繆巧持躬只悃悞
不達洛橋書飄然學鴻乙倩語高駕人靖哉共爾
職治象貴和平神聽依正直我本無私蹊徒知秉
卅石焚香虔祝延萬年綏大曆

以上青玉堂采薇草

唐體二

西山

秀嶺橫青天西津隔廣水微微春風生飛帆送一
葦山臺散景颺荒崗帶草市縹緲蕭仙峰白石紛
碕礧古寺藏深林鐘聲雲外起幾從官道過晴氛

擁車軹

渡青閣

江水襟名城碧浪搖高郭問渡訪洪崖野靜見飛
鶴林巒杳暎開石洞銜雲脚洲島龜鼈星長空澹
漠漠楚烟際天來吳船浮地泊山氣日夕青乘風
渡虛閣

盜起

百姓誰司牧氣候洩龐鴻衣冠爲盜等何責彼愚
兇山君連郡國鉗子署官封老稚幽魂嘯男淚

眼空匝地皆雲擾中土更兵衝天河應洗甲聖主
福方隆

兵驕

兵與流賊每戰先講定打和仗賊遺金銀付兵而以脅從老弱付兵斬首上功此局牢不可破何時可計蕩平也

盜魁卽兵目嘯聚匪裔民給糈餌驕子當場累反
唇接醪無虎將胃餉有狼羣對敵先遺賂論功殺
市人頓舍誰七日合陣詎雙甄以茲兵討賊揚堞
弭紅塵

望楮山

江省中幹坐壓三郡氣勢可凌廬嶽徐孺子嘗隱其中其所爲華蓋者浮

丘仙
壇也

頽憇萬松廬夙裝儔雲旅南望三角峰楮山形跡
古朝霞擁陽臺夕嵐奔雨府光氣燭天庭寶勢凌
地乳高士韜玄踪仙人構靈矩石澗蛟虬興叢深
猿鳥伍風蕭激孤清霽重迷遐阻地脉共朱垠雄
秀壓岫嶠西河挾貢章東壑纏肝汝逶迤至洪州
名山洵吉土

憶衡嶽

我嘗挾雲裝尋山陟南嶽亭亭祝融峰真氣所磅
礴重霧起飛岑高掌麗雲嘒古殿懸蛛網莊嚴盛
丹艘渺渺瀟湘川一線見睂萼禹書金簡字仙笈
神泉藥羽翰借晨風屐足假六駮日月浮洞庭濫
觴始陽朔志意含三清塵累出五濁經今逾十年
念此冲虛廓

以上華日樓言意草

輕舉篇

木公東皇號金天西姥家朝飲扶桑露暮餐飛谷
華拍手呼青鳥竦身凌紫霞竹杖雲區駕虛舟海

五言古
上槎金膏浮水碧石鼎挹靈砂方朔桃如斗安期
棗似瓜玉盃瀛州酒青蓮高掌花間看井公博千
歲飯胡麻

步虛詞

玄天洩至秘凌虛御紫氛鳳吹明月管朝拜玉晨
君焚香歸古洞鑄鼎煉玄津壇濕松花露鶯啼杏
苑春還取金屏舊更飲玉漿新試探黃庭策共駕
赤城雲廣成爲我友蕭史是同羣聊與尋清隱山
書小篆文

曲池之水

丘園希易賁誦詩賡臺萊依陰有泉鬱蒙屯乘雲
雷芙蓉發苞萼清泚浸莓苔神媿膏雲降天孫灑
雨來浮吹娛佳夕泔荆刺曲隈高樓峙西北流光
此滌洄白石何齒齒蒼巖亦崔嵬想見羊裘客微
綸垂釣臺

以上英石館調風草

五言古

五言古



